



Broj: 05/1-27-30154/15
Tuzla, 30.09.2015. godine

Na osnovu člana 25. Zakona o cestovnom prijevozu Federacije Bosne i Hercegovine („Službene novine FBiH“, br. 28/06, 2/10) i člana 200. Zakona o upravnom postupku („Službene novine FBiH“, br. 2/98 i 48/99), Ministar trgovine, turizma i saobraćaja donosi

R J E Š E N J E

o produženju važnosti registrovanih redova vožnje na kantonalnim autobusnim linijama

1. Redovima vožnje na kantonalnim autobusnim linijama koji su registrovani u Ministarstvu trgovine, turizma i saobraćaja TK, čija važnost ističe 01.10.2015. godine, **produžava se rok važnosti do 31.03.2016. godine.**
2. Iz rješenja se izuzimaju redovi vožnje koji su pravosnažnim rješenjem Kantonalnog ministarstva trgovine, turizma i saobraćaja brisani iz registra kantonalnih autobusnih linija.
3. Rješenje dostaviti svim prijevoznicima koji imaju registrovane kantonalne autobusne linije i Kantonalnoj upravi za inspeksijske poslove Tuzlanskog kantona.
4. Rješenje stupa na snagu danom donošenja.

O b r a z l o ž e n j e

Na osnovu člana 24. Zakona o cestovnom prijevozu FBiH, redovi vožnje na kantonalnim linijama registruju se nakon obavljenog usklađivanja sa rokom važenja od najmanje tri godine i važe do utvrđivanja novog registra redova vožnje kod Ministarstva trgovine, turizma i saobraćaja Tuzlanskog kantona. Poslednje usklađivanje redova vožnje na kantonalnim autobuskim linijama obavljeno je 2012. godine.

U skladu sa članom 25. stav 2. Zakona o cestovnom prijevozu Federacije Bosne i Hercegovine i članom 200. Zakona o upravnom postupku, Ministarstvo trgovine, turizma i saobraćaja je donijelo Rješenje o produženju važnosti registrovanih kantonalnih redova vožnje. Rješenjem se svim redovima vožnje na kantonalnim autobusnim linijama koji su registrovani u Ministarstvu trgovine, turizma i saobraćaja TK, čija važnost ističe 01.10.2015. godine, **produžava rok važnosti do 31.03.2016. godine.**

Razlog za produžavanje kantonalnih redova vožnje je izostanak zahtjeva za usklađivanjem redova vožnje od strane davalaca saobraćajnih usluga – prijevoznika, kao i zahtjeva od korisnika usluga prijevoza – putnika za uvođenjem novih linija ili novih polazaka na već registrovanim kantonalnim linijama.

Razlog za produžavanje važnosti registrovanih redova vožnje na kantonalnim autobuskim linijama je i činjenica da je još uvijek u toku postupak usklađivanja federalnih autobuskih linija koje sprovodi Federalno ministarstvo prometa i komunikacija a koji je trebao biti okončan do 01.10.2015. godine do kada je bila važnost registrovanih redova vožnje na federalnim autobusnim linijama, kao i na kantonalnim autobuskim linijama na području Tuzlanskog kantona, a koji u mnogome determinira i usklađivanje kantonalnih autobuskih linija.

Uzimajući u obzir navedeno, kao i činjenicu da je ministarstvo, u skladu sa zahtjevima prijevoznika u kantonalnom linijskom prijevozu putnika, odnosno zahtjevom Kantonalne privredne komore TK – Udruženja za promet i komunikacije – Sekcija za unutrašnji promet putnika, za veliki broj prijevoznika u kantonalnom linijskom prijevozu putnika omogućilo postupak odobravanja voznog reda u skladu sa Pravilnikom o načinu, kriterijima i postupku usaglašavanja, ovjeri i registriranju voznih redova, te sadržaju i načinu vođenja registra („Službene novine Federacije BiH“, br. 79/13), gdje su prijevoznici mogli izvršiti određene korekcije redova vožnji u skladu sa navedenim Pravilnikom, odlučeno je kao u dispozitivu ovog rješenja.

Pouka o pravnom lijeku: Protiv ovog Rješenja može se izjaviti Žalba Federalnom ministarstvu prometa i komunikacija u roku od 15 dana od dana prijema Rješenja. Žalba se predaje pismeno sa uplatom administrativne takse u iznosu od 10,00 KM na žiro račun broj:1321000256000080, Vrsta prihoda:722121 u skladu sa Zakonom o izmjenama i dopunama zakona o kantonalnim administrativnim taksama i tarifi kantonalnih administrativnih taksi («Sl. novine TK», broj 12/97,14/02).

Dostavljeno :

- 1x Svim prijevoznicima u kantonalnom linijskom prijevozu na TK,
- 1x Kantonalna uprava za inspeksijske poslove,
- 1x Kantonalna privredna komora TK – Udruženja za promet i komunikacije
– Sekcija za unutrašnji promet putnika,
- 1x Evidencija,
- 1x a/a



na ovlaštenju
MINISTAR
Edin Ajanović
dr.sc. Edin Ajanović